

宋

會

要

全唐文

宋會要

便宜行事

太宗淳化五年正月命昭宣使王繼恩為劍南西州都安使討狂賊李順軍中事委其制置不從中覆管内諸州繫囚除十惡及官典犯枉法賊外悉得以便宜決遣真宗咸平五年詔知永興軍向敏中兼管勾秦州路行營都總管許以便宜行事景德元年三月定州路駐泊行營都總管王超言戎入寇或誘擊其寇本軍不可輕動請至時分兵掩擊詔如寇至許便宜從事仍令押陣使臣稟超節度十二月車駕北行道樞密使陳堯叟來傳往諭澶州北寨將帥整飾戎容以便宜從事

清按四月七日
為四年七月之
誤

四月七日遣東上閣門使曹利用等討宜州叛兵詔
許立功者所在以官物給賜即時選權便宜從事仁
宗景祐二年五月詔知廣州兼廣南東路鈐轄知桂州
兼廣南西路鈐轄以便宜從事時高竇雷化四州蠻獠
寇邊以去朝廷遠事不可以中覆故有是命康定元
年九月詔知永興軍夏竦等凡係軍期急速及攻守進
退方略應機制變奏覆朝廷不及者並許便宜施行訖
以聞慶曆二年七月詔廣南轉運司諸配軍有累犯
情涉凶惡者許便宜處斬訖奏十二月知永興軍鄭
戢言關中多豪俠方邊事未寧不可以常法治之若情
文深而法不止黥配者請以便宜從事三年五月詔

陝西緣邊招討使韓琦范仲淹龐籍戒軍期中覆不及者聽便宜從事四年正月十八日知亳州夏竦言乞降密旨付本州如有宣毅軍士扇於暨衆作賤盜情理重者許便宜處斷從之五年三月二十七日詔荆湖南路安撫使轉運使提點刑獄臣僚應干蠻寇公事如臨機急速奏覆不及許同共商量便宜施行訖奏遇分路同議不及亦許一面便宜施行九月詔判并州夏竦軍事不及中覆者聽便宜行之八年二月罷陝西諸路經畧安撫都總管司便宜行事緩急賊馬入寇應機制變不及中覆者聽之十月詔知廣州魏瓘與本路轉運使專提舉捕討徭賊若中覆不及者聽以便宜從事

八年正月詔參知政事文彥博奉詔討貝州軍賊以便
宜從事 皇祐四年八月詔報廣南西路楊政所請康
定中行軍約束及賞罰格令降下其欲差官刑定模印
事非應速及須檢法官亦可於轄下選之朝廷既令節
制諸將其軍旅戰陣之事亦置州縣而後當從長議決毋用中覆是
月詔許經亦置州縣而後制廣南盜賊公事余靖便宜行事令西路兵
官並受節制十月詔以宣徽使狄青為荆湖南北路宣
撫使都大提舉廣南經制賊盜應有臨機處置奏稟不
及者聽便宜施行訖奏在彼將佐並受青節制如有經
畫事件即與孫沔余靖分頭禦備即隨處將佐等各受
遣官指揮至和六年三月詔知廣州劉湜捕擊蠻寇

急有不及奏覆者聽便宜從事 嘉祐五年五月淮南
西路兵馬鈐轄司言乞下所管淮南壽亳新黃光舒和
州無為軍八州自今應賊盜及兇惡軍民罪犯內有情
重法輕者並申取本司詳酌情理量宜裁斷所貴一路
兵民有所稟畏從之 英宗治平三年九月二十五日
同知諫院傅卞言風聞近知房州董經臣知曹州徐億
等皆專擅斬人乞今後惟諸路帥臣受特旨許便宜從
事及軍前或臨賊戰關其犯罪之人仍須委實情理不
可恕者方得臨時裁處仍限十日內奏聞此外諸處並
不得將不合死者任意斬決或處死如情理深重欲法
外行遣者並取中旨仍仰監司糾舉重行貶黜所貴威

福之柄一出朝廷詔除沿邊州軍依編敕施行外其近
裏及諸路州軍今後應罪人情理深重如欲於法外別
行重斷者並仰取旨若敢擅行重寘於法仍仰轉運提
刑司常切覺察以聞十月十一日詔陝西四路沿邊宣
撫使郭達候到彼臨機處事奏稟不及者並許便宜施
行記奏四年十一月神宗即位未改元判永興軍府充陝西
路經略安撫使韓琦乞應本路有邊防軍馬處置事件
奏覆朝廷不及者乞許便宜施行訖具事由聞奏許之

神宗熙寧三年九月十二日詔許陝西宣撫使韓絳
如有事干急遽奏報不及並便宜施行五年四月十
八日詔令趙鼎高候地界了日繳納先許便宜行事創之

赴樞密院始陝西河東帥臣唯郭達趙高嘗請以便宜
行事上以諸路遘事經略使自當隨宜處置况疆事漸
寧故命罷之 神宗元豐元年二月十四日鄜延路經略
使呂惠卿言近以軍馬分定九將已具條約奏乞早賜
指揮詔惠卿審度事機以圖定將兵當取裁事遂急從
宜施行務在詳審 四年八月十二日涇原路經略司
言應副軍行戰守等事乞權許便宜指揮詔本路措置
事稍大奏候朝旨如小事礙常法許一面施行鄜口口
延環慶河東路經略司熙河路都大經制司指揮麟府
路兵馬司依此九月四日詔王中正高遵裕如行軍廢
事已就緒即相度乘機進討不許徇以元定期日十月

十七日詔近詔河東陝西諸路轉運司應副軍興事件
並仰聚議或公牒會定允當方得施行即不得獨用已
見逐急行下如委是事干機速移文計議不及即一面
施行仍須互相開報照會不得致有抵牾重復漏落十
一月二十一日廊延路經略使沈括言頃寧寨等處申
种諤下漢蕃軍馬四散各逐城寨不敢邀截詰問又种
諤至夏州索家平三軍無食皆號泣不行已失三萬餘
人即未敢擅招安詔括所奏事體皆邊防機速頃刻不
可遲緩若帥臣不任爲己責隨宜措置乃須俟中稟則
利害之間失之多矣如朝廷已降指揮外隨宜處置早
令妥貼仍酌度人情如將尚可爲用即聽令斬捕境上

剽盜羗賊贖罪請根歇泊餘非朝廷所該者但以便宜
隨機處之勿一一中覆也五年八月四日權主管周經
制熙河蘭會等路邊防財用趙濟言七月二十四日西
賊五百餘騎至堡外殺漢蕃人口驅掠士馬而去及謀
知鉄牟山嘯聚已數萬欲以本路及涇原秦鳳漢蕃兵
約日出其不意會合掩擊詔涇原路經略制置司熙河
蘭會路都大經制司如覘候有實度兵力可勝即便宜
施行九月十四日趙濟又言準苗授閫謀見分遣使臣
蒐取不係團結漢蕃弓箭手悉赴行營以禦賊衝詔苗
授所蒐取人如無益於事更不得追集指揮到日只據
邊情便宜施行并劄與李憲時以邊事急速不送門下

省覆奏十一月二日知誠州謝麟言接納安化州歸順
蠻人利害上批邊情在遠朝廷不見利害之實委謝麟
等便宜措置無致生事 六年六月十一日涇原路經
畧司言欲以照管修築故塞堡為軍形誘致賊馬近邊
令姚麟等掩擊或伺便出塞討襲詔塞內誘致賊馬或
出塞討擊並委經畧司盧東便宜施行十一月十二日
趙尚乞便宜處置邊事詔邊鄙有警事有奏稟不及者
帥臣自當便宜施行 哲宗元祐六年十一月十六日
秦鳳路經畧司言乞應沿邊事權許從宜措置廢免
急拘礙失事從之其陝西河東邊路經畧司依此 元
符元年正月二十三日詔章綬侯軍興即駐平夏城應

援諸軍如當赴軍前亦以便宜從事梁暨鍾傳俱在軍
前梁節制傳副之即梁留平夏城其軍前聽傳節制節
有新獲傳首級梁覆之若分兵將佐各受所統節制餘
如前詔同日樞密院言涇原熙河秦鳳三帥緣朝廷在
遠敵情機會難以踰度乞專責帥臣毋致誤事詔章梁
鍾傳軍興以便宜擇利計度先後措功二十四日樞密
院言已令鍾傳出塞日熙州付張詢慮有本路軍馬事
宜必赴軍前申稟留滯誤事詔令張詢傳出界後事並
一面施行訖報傳照會其涇原路章梁起離渭州即州
事付劉何仰何依此 徽宗崇寧二年正月二十六日
中書省言成都府舊以便宜從事罷去已久乞軍民所

犯巨蠹者令酌情處斷從之 宣和三年七月三日詔

應軍前事務並令譚榘節制一面措置隨宜施行 七

年四月五日御筆詔蔡靖鎮撫新邦二年于茲政譽錫

然兵民畏服應結絕燕山府路宣撫使司及國信司職

事並專一行遣 欽宗靖康元年正月三日吳玠為親

征行營副使詔許便宜行事十一月十四日詔四道都

總管司已許便宜行事應諸州錢糧兵甲料佐自合即

時應副如敢有怯並從節制法以上靖國 高宗建炎

元年五月二十七日詔昨緣軍興倉卒之際許便宜行

事諸路諸州及差委官往往陳乞便宜行事遂至擅補

官吏擅用官物擅刺良民擅聚師旅妄專生殺自今除

公遣帥守并建炎元年五月一日以後被授便宜指揮
去處止許因違事便宜措置仍不許擅支官物侵擾良
民外應已前許便宜行事指揮更不施行是年十月二
十四日詔諸路監司或州郡如敢徇習故態徇用便宜
行事指揮行在及在京臺官諸路委帥臣憲漕按察
具名聞奏原情行遣十一月十九日臣僚言外路有司
偶緣軍興率意妄作得請便宜者大抵於國家無一毫
之益乞明詔應緣軍興除臨征對敵事涉機速理難待
報者施行訖以聞其餘監司州郡敢因軍事違犯條令
者加本罪一等從之三年二月八日詔權差中書侍郎
朱勝非節制平江府秀州軍民控扼等事應申發行

遣並依申尚書省體例以禮部侍郎張浚為副事有奏
陳不及者聽便宜施行訖奏十一日詔簽書樞密院事
呂頤浩充江淮兩浙制置使速往鎮江府防金人南渡
諸事更以便宜措置四年七月三日臣僚言竊見比
年諸州守臣申請帶安撫使乞便宜指揮皆得任意不
可勝言甚夫便宜之本意近者已罷諸州安撫使矣而
諸州便宜指揮未有明文合罷未審當時朝廷降便宜
指揮止為帶安撫使之人合行便宜惟復安撫使與便
宜指揮自是兩事望朝廷明降指揮罷去從之二十六
日建康府路安撫大使司參謀官劉洪道言權知池州
并安撫職事續奉聖旨將帶張俊等入兵權聽洪道節

制乞許權依便宜指揮候呂頤浩到日罷詔遇軍期急
速待報不及權許便宜從事候呂頤浩到日罷八月十
二日降授文州團練使神武前軍統制王玟奏得旨令
玟將帶所部軍馬前去信州駐劄措置防托把隘欲望
許令信州等并管下諸縣及鄉兵等並聽玟節制臨時
應有合行措置事件乞從玟一面使宜施行詔遇有盜
賊警急其本州管下巡尉捕盜官兵許權聽節制若有
軍期急速奏報不及事務亦許權暫便宜措置施行訖
具狀聞奏即不得因而撓擾生事 紹興元年九月六
日知樞密院事宣撫處置使張浚言恭依聖諭便宜然
涉闕官去處差過監司守倅劉鑑等乞出給付身降下

詔從之十月十五日兩浙西路安撫大使知鎮江府劉
光世奏本司有諸般合隨宜措置事務若申明朝廷事
有機速竊慮後時乞依宣撫處置使司並從便宜指揮
行事詔徐臨陣出奇或事干機會難以候指揮許施行
外餘並甲稟朝廷指揮 三年二月二十八日樞密院
奏李橫見進兵應援牛皋彭玘等收復陷沒州軍詔如
遇軍期待報不及許便宜施行 四年九月十五日明
堂敕諸路州縣捕獲姦盜往往不定情實假便宜之名
輒行殺戮及因統衆捕寇緣中軍違犯當誅者亦不分
事體緩急便加極刑深可矜憫自今應捕獲姦盜及因
中軍有犯罪當誅戮者須對衆研窮審取伏狀然後加

刑仍即時報憲司驗實保明以聞如違皆科徒三年不以失論及去官赦降原減其挾私者依本法坐罪憲司按驗不實及隱匿不奏者並坐違制之罪 五年九月二日知紹興府孟度奏防秋在近乞以便宜從事詔如遇邊機調發軍馬不可待報權許便宜從事訖聞奏候過防秋日依舊

宋會要

兵捷四

太祖乾德三年正月西川行營前軍兵馬都總管王全斌言收復劍州殺蜀軍萬餘人生擒僞命將帥等群臣稱賀於崇德殿 太宗太平興國元年十月夏州李獻上言率兵入賊境破吳保寨斬首七百級擒寨主牛羊鎧甲數千計 雍熙二年十二月定州駐泊都總管田重進等上言入虜界攻下岐溝關殺守城兵士千餘人及獲牛羊積聚器甲甚衆 是月代州兵馬副總管盧漢贇上言北虜南侵率所部兵於土銓堡掩襲斬首二千級獲馬千餘疋車帳器甲馬甚衆 淳化五年四月

河西行營言夏州平擒節度使趙保忠收獲牛羊鎧甲
數十萬安撫其民留兵守之護送保忠詣闕不是日以
夏州都指揮使趙光嗣為本州團練使崇儀使高文垓
為綏州團練使權夏州觀察判官事吳祐之為右贊善
大夫知夏州節度判官以府州觀察使折御卿為麟府
兵馬都總管是月西川行營言破賊五千衆於柳池
驛斬首千六百級峽路行營言賊三千衆攻廣安軍擊
定之斬首三百級五月招宣使王繼恩遣小內侍馳
奏四月十八日領大軍到綿州界據內殿崇班曹習言
今月十日與高品朱繼榮等領軍馬起離茂萌至未時
到青山賊已燒山遁去十二日辰時到老溪賊挨山靠

江下硬寨兩所約萬餘人兼寨內起砲兩坐曹習等一戰破賊寨起賊衆上山入水四散奔走等截殺戮及擁入大江約三千餘人并奪下大小舟船四隻十三日寅時收取閬州尋入城奪得騾馬牛驢封占倉庫招安百姓一萬餘人點檢軍資庫錢帛並麴共計五十一萬貫斤兩匹石頭口兼據別狀奏十九日到綿州其賊已竄先差劍州克寧長行勾順等齎勅榜於綿州并外縣招召戶口其羅江縣百姓王華為賊殺其全家即點集鄉村子弟千人將以報賊十七日夜賊燒綿州糧草時王華領衆先入州城戰退賊千餘人乘勢擁入大江并奪到槍棹刀呈驗王華尋補充綿州衙前軍將兼神泉縣

鎮將所有招到戶口不少已各復業安撫其捉到賊三百五十七人並各凌遲處死訖外招到百姓自首遞鋪軍人等並刺歸明字依舊祇應詔曰汝再膺朝寄出總戎梅擁武庫之戈矛討坤維之剽掠而能克揚師律遠震天聲驅大旆以抗威稜分銳兵而攻要害破其寨柵復我城隍由汝義貫神明志濟亂畧策勲在近為慰良多十七日繼恩遣人馳奏川賊平斬獲賊首李順首級并獲偽樞密使計詞等及乘輿僭物點到錢帛一百四十餘萬貫匹尋安撫人民訖賜告捷高班內品周文質暈錦袍金塗銀帶銀器絹各五十兩匹十八日宰臣平文武官諸軍將校稱賀於崇德殿太宗召宰臣樞密使

示以蜀寇偽印僭服金銀鎧甲旗幟等物先是青城縣賊王小波聚徒數千掠邛州境內九州都巡檢使張玘率兵討之初與賊戰俘斬甚多殆晚俄命抽退遂為賊衆所乘張玘馬倒戰歿諸軍敗衄賊因據邛州其勢由此大盛次攻蜀漢懷安軍等皆為賊下之遂入城都其從亂者浹辰間僅數十萬王小波因門傷尋卒其妻弟順代領其衆因僭稱偽號置官司貪暴虐民甚苦之方欲盡文成郡居民丁壯面以隸軍期以五月七日而前一日敗死 三十日峽路巡檢使白繼賢等遣殿直翟繼恩馳奏於五月十九日率軍士渡夔州西津與巡檢使解守顒等水陸相會掩殺下草寇二萬餘人奪到

大小船千餘艘并獲弓弩槍劍旗鼓印篆驃馬等物稱
是某五功將校騎卒已次第優賞訖詔賜翟繼恩紫羅
衫塗金帶絹三十匹至道元年正月寄班殿直王德
鈞自府州馳奏今月五日契丹寇府州界節度使折御
卿率蕃漢兵士掩襲之斬獲約五千人得馬五百匹突
厥太尉司徒舍利死者二十餘人生擒吐渾首領號太
保者一人至是御卿遣德鈞先押吐渾首領赴闕并以
狀聞帝對於便殿詔德鈞口陳殺虜之狀并畫地指其
山川險隘蕃戎敗亡之處帝笑謂左右曰北戎小醜輕
進易退朕常誠邊臣不與爭鋒待其深入則乘便掩殺
必無遺類矣今果如其言左右皆呼萬歲又謂諸將校

曰趙保吉一孺子其謀主乃張浦耳朕常厚與錫賜遣其暫來今保吉已令張浦押駝馬入貢彼捨張浦如亡左右手今又聞殺敗契丹諒喪其魂膽矣因稱賞御卿之忠孝將士之勇敢者數四馬賜德鈞錦襖子塗金銀束帶絹五十匹補隨行安慶軍譯語一人充本營副兵使馬釋擒到者吐渾皆賜錦襖子銀帶絹一十匹翌日宰臣呂蒙正率文武官賀于崇德殿先是制授府州觀察使折御卿節度使而兵不滿數千帝戒曰北虜常小西戎必輕敵而深入或至境爾可先令近下蕃族以羸師而誘之伏精兵以擊之必在吾穀中至是御卿遵用聖算果勝焉帝因謂左右曰用兵之法古賢所著兵書

已備無以越其規矩焉在人探討耳朕粗留心至若漢高祖以必戰而滅楚晉謝安以孤軍而敗秦此用兵之妙也夫文武之畧天不賜全倘使張良有韓信之武勇韓信有張良之沉謀則高祖焉能駕馭之乎朕每出兵攻伐意頗精密將兵之人丁寧諭之不聽者多至敗事侍臣對曰陛下料敵制勝天之所授固非臣下所測度也將帥倘能上遵成憲則何往而不克矣二十一日帝又謂諸將曰契丹前寇府州衆約二萬敗績之日殆亡其半韓德成探知府州兵少將謂我師不設備所以率衆輕來折御卿果於剋敵能以少敵衆此亦天贊其勇使敗其醜類耳昨得奏報又稱奪得馬數百匹韓德成

一男死於鋒刃之下天羊喪沮無似此時今後料應不敢輕議南牧矣侍衛馬步軍都虞候傅潛等對曰邊將用師皆稟宸筭非聖智深遠料敵如神亦不能致此剋捷二年九月夏綏路馬步軍都總管王超延州馬步軍都總管范廷召等各遣入內高品峯保正入內高品賁繼隆等走馬入奏兩路大軍入賊界到烏田池會合掩殺蕃賊五千餘人生獲二千餘人殺來慕軍主一十人乞囉指揮使二十餘人獲馬二千匹衣甲器械糧儲老幼極多蕃部潰散賊首李繼遷遁走今月二日兵馬各分屯沿邊文武百僚詣崇德殿稱賀初繼遷居邊未甚為患及其兄趙保忠入朝繼遷得資財及攻掠邊上

遂稍有物力及人衆又阻絕靈武糧運甚為違憲朝廷
每加慰撫以懷來之終不復從欲興兵擊之議者異同
帝察其情狀決意討之乃授以主將方畧閱兵於崇政
按之及遇敵布陣攻擊一如所教故大敗賊黨桀焚蕩
其巢穴收取其老弱無有遺者初帝諭令多以旅擊射
之及遇賊射矢齊發賊無所施勇僅能一發而遁凡十
六戰而抵其窟穴焉時帝聞之謂傅潛等曰朕授將帥
方畧至於合戰還師之期悉如所料但不盡遵致漏此
小賊况自即位未嘗如此殺戮夷狄蓋事不可容耳自
師興已來歷春夏皆躬親謀度夏中嚴暑尤甚常用意
軍事未敢寧息大抵行師布陣當務持重雖有勇者奉

數十人以犯賊陣亦無能損益適足撓亂行陣是以朕
深誠之令犯令者必斬果無人敢輕率者布陣是兵家
大法非常情所究而小人有輕議者甚無謂也朕自為
陣圖與王超令勿妄以示人超回曰汝可覓朕所授圖
視之當知也傅潛等對曰聖謀深遠非臣下所及真
宗咸平二年九月鎮定高陽關都總管傅潛遣右侍禁
郭筠馳奏先鋒田紹斌石普與知保州楊嗣敢虜衆於
廉良路殺二千餘人斬首五百餘級獲馬五百匹兵仗
鎧甲稱是從臣再拜稱賀翌日群臣詣崇德殿賀三
年正月陽關具冀州路都總管范廷召等遣寄班侍
禁郭筠馳騎入奏今月十九日領兵追契丹至莫州東

三十里大破之斬首萬餘級獲所虜老幼數萬鞍馬仗
不可勝紀餘寇遁逃出境宰臣率百官稱賀 二月八
日靈環等州馬步軍都總管李繼隆等差內品馮從順
馳奏稱據熟倉族番官會州刺史仇遇口執稱蕃賊李
繼遠親從軍主史仇遇部領手下人馬沿山巡攔尋差
內員僚直都虞候田敏馬軍司軍頭龍衛副指揮使王
全斌量部領馬步兵士并諸班使臣及諸內殿崇班劉
承蘊應接準劉承蘊田敏等言今月二十四日部領軍
馬就史仇遇雙埤盤泊處一戰殺蕃賊二千餘人獲首
級三百七十牛羊駝驢馬七千餘頭口及衣甲弓箭器
械不少繼遠遁逃不知所止見襲遂捕殺次其牛羊

等並給散諸軍并蕃部次者初賜熟倉蕃官會州刺史
乂遇金腰帶暈錦襖子絲五十匹茶五十斤一行將校
等第支賜賞銀諸軍得功員僚各轉一資劉承勳轉西
京作坊副使馮從順賜束帶錦襖子絹三十匹都總管
李繼隆并策應得功人等並勅書獎諭同去蕃軍令李
繼隆約量支與茶絲及賜酒食 三月西州七州都巡
檢使張思鈞遣綿州司法叅軍樊信明馳奏敗王均於
漢州居民安堵帑藏如故知益州雷有終遣其子太常
寺奉禮郎李若馳奏敗均賊於彌牟鎮斬級千餘殘衆
奔潰供奉官元繼明自劍門馳騎入奏知益州雷有終
等敗王均賊黨獲其偽織蓋金槍等物 四年十月九

日北面都總管王顯遣寄班夏守贊馳奏十月十六日
前軍與契丹遇大破之戮二萬餘人獲其鴆大王統軍
鐵林相公等十五人首級得偽印二以羽林軍為文收
甲馬甚眾首領遁去宰臣稱賀 五年正月二十六日
環慶路總管張凝等上言正月一日領兵入賊界生擒
帳族二百餘毀芻糧八萬數斬級五千餘獲牛羊器甲
二萬 景德元年閏九月二十二日北面都總管王超
等言北平寨田敏揚勲威虜軍魏能等合兵與虜戰大
破之斬獲首帥奪其印莫州都總管石普等奏虜逼順
安軍率所部擊走之餘人並降詔嘉獎 二十五日威
虜軍保州苛嵐軍北平寨莫州路總管等並言擊破契

升群臣奉賀 大中祥符九年九月知秦州曹瑋等言
昨八月內頃知宗哥喃厮囉蕃部馬波叱臘魚角蟬等
率馬銜山蘭州龕谷羶毛山滔河河州蕃兵至伏羌寨
界三都谷下寨臣等尋於當月二十四日領兵召集熟
戶防遏相次馬波叱臘等率蕃兵約二萬分為三隊來
當官軍臣等與之角鬪數合逐北約二十餘里斬首千
餘級生擒七人斬馘獲馬牛雞畜衣服器仗凡三萬三
千計馬波叱臘等遁去官軍將士被傷者百六十八人陣
歿者六十七人其立功將校使臣凡百三十九人望加
酬獎詔賜瑋泊駐泊鈴轄高繼忠都監王懷信錦袍金
帶器幣立功者策遷一資仍賜金帛陣沒者卹其家

仁宗天聖四年正月涇原路走馬承受公事王從德言
知鎮戎軍王仲寶本路都監李道史能破原州界康奴
族焚巴溝首領通訛等六門帳子七百餘所斬首九十
七級獲牛羊馬驢器甲千計賜器幣有差 康定元年
九月陝西經畧安撫副使范仲淹言環慶路副都總管
任福等破賊白豹城燒廬舍酒稅務倉草場偽李太尉
衙及破蕩骨咩四十一族帳兼燒死土堽中所藏蕃賊
不知人數又擒偽張團練及蕃官四人麻魁七人殺首
領七人獲頭級二百五十馬牛羊橐駝七千一百八十
器械三百三印記六官軍死者一人傷者六十四人初
賊大領兵寇保安鎮戎軍福等自慶州東路華池鳳川

等鎮聲言巡邊召都巡檢任政寨主胡永錫鳳川監押
劉世卿淮安鎮都監劉政監押張立同議入界以牽制
賊勢九月十八日軍行至柔遠寨犒設熟戶蕃官且戒
以不得離席遂與諸將分布地分以駐泊都監王懷正
圍白豹城西面攻李太尉衙守神林都路北洛都巡檢
范全圍城東面守金湯路柔遠寨主譚嘉震監押張顯
圍城北面守葉市族路走馬承受石全正圍城南面駐
泊都監武英入城任福押大陣居城南又遣別將部領
所稿蕃官行馬前自柔遠至白豹七十里夜漏未盡至
城下四面合擊平明城破縱蕃部軍人等大掠焚其巢
穴委聚方四十餘里是日晚還軍 神宗熙寧六年三

月四日熙河副總管高遵裕言得經畧使王韶牒已于
二月二十二日領大兵收下河州先鋒斬首千餘級木
征遁去生擒其妻贈三牢并子續本洛言盡得六州之
地二千餘里至十月十三日軍臣率百官詣紫宸殿
稱賀 元豐四年九月十二日李憲言八月二十六日
駐安女遮谷遣漢蕃將士襲擊賊餘黨於山谷間斬首
百級獲牛馬孳畜甚衆降龕波給家等二十二族首領
凡千九百餘戶已剪髮刺手給歸順旗及錦袍銀帶賜
物又言大軍過龕谷川東常僭號御莊之地極有窖積
及賊壘一所城甚堅固無人戍守惟有弓箭鐵杆極多
已遣逐軍副將分兵發窖取穀及防城弓箭之類 十

月十五日种諤言九月二十七日西賊兵馬七八萬自無定河川南來欲救米脂之圍臣統率將士與賊接戰賊衆大潰斬八千餘級奪馬五千餘匹駝畜器甲萬計詔种諤將官等各傳宣撫問二十三日涇原路行營總管司言十月十二日離西界堪哥平十五里磨移隘口達賊約二三萬拒隘臣等分兵度葫蘆河奪隘與偽統軍國母弟梁大王戰敗退追奔二十里斬獲大首領沒囉卧沙監兵使梁格鬼等十三級小首領二百十九級生擒首領統軍姪訖多埋等二十二人斬二千四百六十級獲偽銅印漢印一詔劉昌祚姚麟及將官等傳宣撫問十一月五日种諤言自十月十七日離夏

州遣曲珍等領兵通黑水定安堡路摺運軍糧遇賊與之戰斬獲賊鈴轄首領以下千七十八級招降六百五十人七日熙河路都大經制司言軍行至天都山下營西賊僭稱南牟內有七殿其府庫館舍皆已焚之又至囉逋川追襲酋首寇名統軍人多唆乎丁人馬斬獲千級生擒百餘人虜牛羊孳畜萬計賊衆散之後再遣將士追襲斬獲五百級生擒二十餘人奪馬二百餘匹牛羊孳畜約七千九日种諤言等三將楊進等破石堡城斬首領以下六十八級降生口大有首領萊示歸埋以下千六百七十六獲馬六十六牛羊四千餘五年六月一日環慶經畧司言斬西賊統軍寇名妹精鬼副

統軍訛勃遇得銅印起兵符契兵馬軍書并獲蕃兵頭
凡三十八級招以即符契兵馬書來上 哲宗紹聖三
年八月五日詳鄜延路經畧使呂惠卿言自六月以後五
十日間第一至第七將前後十四次俘斬甚衆并獲副
軍大小首領副鈐轄及得夏國起兵木契銅記旗鼓詔
賜惠卿對衣金帶銀帶革勒馬 十月十四日鄜延路
經畧使呂惠卿言獲西界蕃部叱陵詔令差使臣護送
關下 元符二年閏九月三日軍臣章惇奏熙河蘭會
路經畧安撫使胡宗回申青塘新偽主攏抄及大首領
結訖齟心牟欽種率諸侯首領并在城蕃漢人落部子
回鶻等并契丹夏國回鶻偽公主等並出城迎降臣欲

與三省樞密院來日草賀初五日率百官稱賀從之
三年四月二日熙河路奏鄯州兵將已到湟州秦州刺
史熙河蘭會路兵馬都監兼知河州管洮西沿邊安撫
司公事兼第三將姚雄四戰獲二千餘級而亡失止三
十八人詔以雄特除正任防禦使陞本路鈐轄依前知
河州兼洮西沿邊安撫使徽宗崇寧三年四月二十
四日熙河蘭會路經畧安撫使王厚言臣等統率大兵
自鄯州趨山南至結囉城主管郭州界蕃族大首領洛
施軍令結迎降是日百官以收復鄯廓稱賀四年三月
二十一日樞密院言鄯延路奏復銀州宣和元年四
月十五日太師魯國公蔡京等言伏都宣撫使童貫奏

進兵出塞由涇原路自蕭關入生界闢敵進築八百步
寨一座又兩日共獲二千五百餘級奪到精野寨并糧
草孳畜物色等捉到生口外斬獲約二千七百級內有
首領五千餘人奪印匣等績據何權申擒捉五千餘人
又鄜延進兵入西界三會川斬獲數千又奏環慶路前
去西界殺到一百餘級降到西人百口又斬獲二千餘
級生擒偽宥州正監軍大小首領六十餘人及奪到衣
甲器械牛馬駝畜不知其數兼已蕩平城寨了當有旨
許拜表稱賀 五月十二日蔡京等又言伏覩宣撫使
童貫奏勾集兵馬六路出塞深入攻討西賊賊衆大敗
獲五千七百七十九級修築到蕭關一帶烽臺保寨招

降到五千人收到城內糧穀將城壁並行平蕩焚燒樓櫓舍屋盡靜自三月十九日後來攻圍震武軍下寨連夜攻打臣星夜前來熙州差發涇原秦鳳兩路策應軍馬及指揮隴右同都護辛叔詹先次摘那得力人馬及令熙河統制何灌節次遣發近便將兵直至震武軍張耀兵勢及追斬獲西賊共六千餘人前後燒毀族帳屋宇及收獲到駝馬孽畜衣甲器械等萬數不少有旨十四日御紫宸殿稱賀 五年八月二十一日河北河東路宣撫司奏契丹四軍夔離不率師犯景莢王師遇之戰于烽山大捷追至盧龍領而還 高宗建炎二年正月二十一日大名府路經畧安撫使河北東路制置使

杜充言準備差使總轄招撫司軍馬王前於建炎元年十二月二十日到洛州西護城隄外殺退圍洛州蕃賊即時焚燒賊寨入城撫慰官民各得安居趙士晤稱在磁州界結集招募到義軍首領李琮等并軍兵五千餘人又有都統制軍馬兩頭項人兵共議併兵先解圍洛州於建炎元年七月五日穿番塞闢敵至六日平明方到本州城下入南門駐劄金賊欲來攻城與李琮等分頭出兵接戰金賊大敗詔令尚書省出榜曉諭三年二月二十九日江淮兩浙路制置使呂頤浩言今月二十三日閤門祇候陳彥差人渡江先次前去揚州於五更以來襲殺金賊後軍及奪老小一千餘人已收復揚

麋

州訖 四年九月十五日兩浙西路安撫大使劉光世
奏金賊再入承州遣統制官王德鄺瓊等輕兵直入承
州今月八日去承州西四五里賊軍迎敵王德引兵衝
賊殺軍頭首千餘人及擒女真契丹勃海簽軍等一百
餘人追至承州城外 紹興元年五月十七日提領海
船張公裕等言成忠郎翁昭於海洋五處分部控扼至
十一月末間賊犯通泰賊船五十餘艘編髮露頂肆行
掠畧昭同使臣鄭旻等領兵鏖戰賊遂逃遁續收復海
門縣擒到偽知縣姚漢傑主簿錢德之縣尉王貴翁昭
等各轉一官資 十二月二十六日宣撫處置使張浚
言金賊於熙河秦雍盤泊自秋及冬遣發老弱輜重過

河悉存留精兵聲言回師臣察其詭計必謀窺伺川蜀以絕關陝尋措置關隘嚴為備禦專委秦鳳路經畧安撫使陝西諸路都統制吳玠指教將佐於鳳翔府大散關一帶先處戰地誘致其來痛行掩擊十月九日金賊偽四太子親統大軍於鳳翔府寶雞縣界渡渭河入谷自谷口至神岔初十日午時直犯駐兵處和尚原玠遣統制官吳玠雷仲統率將兵與賊拒戰展轉至晚殺敗三陣追襲過河金賊於神岔口分留一軍通運糧道尋遣將兵邀其歸路殺敗數陣十一日金賊欲出寶雞前去神岔口伏兵殺回奪到狀糧驢畜是夜二更遣將諸將於二里驛東金賊偽四太子寨劫破賊寨追趕賊人

入崖澗四更兵將會合西來換兵自大散關劫賊寨至
十二日寅時賊衆拔寨遁走於二里驛東復來迎敵自
寅至酉大小凡三十餘陣生擒江南四萬戶羊哥字董
偽國相黏罕女婿董董姪姪也不露字董等二十餘人其
餘千戶至甲軍生擒并殺獲墮落溪澗甚衆金賊偽四
太子於後心連被兩箭其所遣諸將軍馬前後掩擊偽
四太子所統大軍勦殺幾盡三年三月十九日宣撫
處置使張浚奏報金賊自去年九月於鳳翔長安圍聚
大兵窺伺川蜀至十二月初果分三路進兵一路自熙
秦牽制一路屯駐鳳翔一路甲軍簽軍等衆至十萬自
長安路直趨金商侵犯梁洋尋妻王彥劉子羽吳玠嚴

備戰守合謀破賊金商一帶並行清野於漢江南岸倚
角駐兵相為外援二月五日都統制吳玠大破賊徒於
真符縣饒風嶺生擒金賊千戶首領一人活人一千餘
人統制官楊皋破賊於枝溪生擒賊徒二百餘人追襲
二十餘里奪牛羊器甲生擒漢兒女真養軍百餘人前
後俘獲五千人十七日吳玠親帥諸將迎敵往復六十
餘陣射金賊死傷不可計餘衆皆遁五月四日河南
府孟汝鄭州鎮撫使翟琮奏報正月一日同董震張玘
董貴措置分路發兵商州斷絕糧道掩殺蕃偽賊黨收
復西京潼關據權本鎮兵馬鈐轄趙通等今月三日率
領人馬奪關併入西京分路與賊兵大戰殺敗賊衆生

擒偽河南尹西京留守孟邦雄父子家屬斬獲賊頭一
千餘級奪戰馬二百餘匹旗幟器甲等收復西京詔令
翟琮疾速將孟邦雄等解押赴行在 四年四月七日
川陝等路宣撫處置使王似言吳玠稱二月二十一日
金賊四太子與皇弟郎君引領萬戶千戶七十餘人率
大軍十餘萬衆半是馬軍前來僊人關對壘連珠剄四
十餘寨於二十七日衝撞官軍凡三十餘戰至三十日
殺退賊衆統制官田晟遣兵追趕入寨金賊別添兵約
五十餘隊再來攻擊官軍戮力鬪敵金賊大敗官軍追
趕至賊寨殺死金賊萬戶千戶并甲軍莫知其數 五
月三日王似盧法原言吳玠稱三月二日叔破偽四太

子皇弟郎君大審已拔寨遁走玠遣發諸頭項官兵追襲掩殺統領張彥到橫川店却破蕃寨殺死賊兵奪到馬牛器甲并生擒一百餘人斬獲五百餘級金人四太子等因大兵累日勦殺大敗勢已窮蹙自焚燒寨柵驅擁敗殘餘黨寅夜移寨退走 八月六日宰執言岳飛分遣統制官王貴張憲等勦殺金賊劉合字董偽齊李成賊馬已收鄧州上曰朕素聞岳飛行軍極有紀律未知能破敵如此胡松年對曰惟其有紀律所以能破賊若號令不明士卒不整方自治不暇緩急安能成功是月九日岳飛奏到於是詔令學士院降詔獎諭仍遣中使傳宣撫問賜銀合茶藥并撫問將士喝賜犒設第賞

以聞十一月一日淮西安撫使仇愈言十月三十日遣將收復壽府春十一月一日收復安豐縣各已撫定共招降到簽軍將士三百餘人奔到槍甲七百餘副馬十餘匹二日淮東宣撫使司提舉一行事務董敏言承州水寨首領孫康遣發義兵舟船布在運河應授官兵截殺金人除殺死外擒到黃頭女真四十五人二二十四日劉光世言統制王師晟收復壽春府奪門掩殺賊兵殺死偽知府李攔寨并賊兵一千餘人其餘蕃人掩入淮河斃死活捉到姚使相并偽知府王靖簽軍一十八人及鞍馬旗槍器甲燒毀糧船一百餘隻既而詔令光世撫勞所遣將士仍先賜師晟袍帶十二月二

十四日宰執言張俊報張宗顏過江擊賊馬獲捷事上
俊每言不敢虛奏邊功恐生冥報 二十九日川陝等
路宣撫使司言吳玠馳報金賊元帥四太子及都統皇
弟郎君撒離喝等領步騎十餘萬衆直來殺金平與官
兵對壘遣將楊政等血戰三十餘陣詔政特除承宣使
龍神衛四廂都指揮使 五年正月五日淮東宣撫使
司提舉一行軍務董政言承州馳潭水寨首領仲諒掩
賊馬一發過淮收復楚州了當殺死蕃人斫到首級一
十二顆生擒到女真漢兒等一十餘人 二十六日劉
光世言金賊侵犯淮甸遣統制官鄺瓊劉光輔統押軍
馬自廬州起發聲言過淮到萌陂先摘輕兵由間道徑

到光州城下偽知州許約守城甚堅又添偽皇子府劉
麟差來統領官李知柔張聚并養軍約三千餘人近城
說諭不肯順從遂拽全軍抵城攻打依前拒敵矢石併
下瓊等鼓率士卒攻擊欲破至正月二十日晚有董昱
馮琪二人并養軍一百餘人先棄城投降許約自知勢
力窮迫率衆啟門投降收取光州了當除已嚴誡將士
各守紀律秋毫無犯撫定軍民各安舊業捉到偽知州
許約詔令劉光世撫勞所遣將士支錢二萬貫充犒設
外取索有功人保明聞奏其後二月二十六日詔鄺瓊
於遼郡階官上各轉行一官劉光輔與轉行兩官 二
月二十二日江南東路淮南西路安撫使劉光世言金

賊重兵侵犯淮西人馬入滁州占據光世密遣統制官
王德將帶軍馬過江攻奪王德到淮西地名桑根與賊
血戰殺死一千餘人外生擒到女真二十餘人萬戶盧
字望等一十一人詔劉光世備見措置有方仰撫勞所
遣將士仍疾速取索功狀保明聞奏二十九日吳玠
言遣岳飛統率一軍前去秦隴以來深入偽地牽制賊
勢統領官楊從義將官王顯十一月七日到偽地臈家
城逢賊三千餘衆列陣鬪敵殺敗賊兵詔令宣撫司勞
所遣將士疾速取索有功人保明聞奏六年九月十
四日湖北京西路宣撫副使岳飛言副將楊再興等統
率軍馬前去收復西京長水縣了當即時招撫安業詔

令岳飛撫存一行將士開具實有功官兵保明聞奏

十月十七日後殿進呈楊沂中捷奏俘戮甚衆上愀然曰此皆朕之赤子迫於兇虐勉強南來既犯兵鋒又不得不殺念之痛心顧趙鼎曰可更戒勅諸將爾後務先招降其陣歿之人亟為埋瘞紹興十年六月五日川陝宣撫使奏報金賊前來扶風縣驛店等處作過尋遣統制官吳璘等賈勇士卒戮力接戰金賊鵬眼郎君帶領五千餘人騎與官兵迎敵統制官李永奇楊政儀向起顧曹等掩殺退走入扶風縣賊寨再行剋破勦殺盡絕又有金賊馬軍策應並已殺敗掩入溝澗甚衆十八日劉錡言順昌府累與金賊大兵接戰其酋首三路

韓將軍龍虎大王等皆緣敗血往東京告急至今月九日四太子親率大兵諸頭項賊馬併力攻圍府城於當日激勵將士戮力血戰殺死約五千餘人及捉到活人供通傷中者一萬餘人往往身體黃腫皆用騾馬馱負北去馬中傷死者三千餘匹知賊每不利遂領兵於城西南相近一里以來創立硬寨謀為攻打坐困官軍之計鎗激勵將士密為夜襲使不得安於十二日子時以來賊遂拔寨望西北遁已分遣軍馬追襲詔賜劉錡獎諭疾速關具立功人等第聞奏 同日川陝宣撫使司言探報金人侵犯陝西遣都統吳璘等前去鳳翔府會合陝西諸路軍馬併力捍敵五月二十八日賊馬直至

鳳翔府石堡寨西地名底店遣將官劉海曹清宇文順
楊晟賈卞范興國前去捍敵殺散前鋒賊兵折合字堇
傷中掩入汧渭河死傷無數斬活人頭捉到活人二
十八日淮南宣撫使韓世忠言統制官王勝二十七日
辰時到淮陽軍界離城二十餘里逢見淮陽軍都統周
太師親自統押軍馬二千餘騎水陸轉戰約兩時辰勝
等并背嵬將官成閔鼓率將士向前血戰金賊敗走掩
殺入折河及城壕內填塞盈滿殺傷及淹死者甚衆外
活捉到女真漢兒共一百餘人並各傷重并水陸迎敵
戰船除奪到二百隻外餘燒毀了當 閏六月十三日
淮南西路宣撫使張俊言蕃賊來取蘄縣統制官王德

馬立等鼓率將士戮力破賊除殺死不知數外生擒頭
領數人及蕃人五百餘人戰馬四百匹金鼓旗幟甚衆
追襲餘黨措置宿州公路且戰且殺勦除蕃賊罄盡及
至城下有宿州同知蕃賊首領統率精銳生力蕃兵前
來死戰德等戮力掩殺大破賊衆除殺死外生擒頭領
并招降到知州馬秦并一州官屬及河北山東使效一
千餘人官軍入城收復宿州撫定軍民了當 同日川
陝宣撫司言吳璘等探鳳翔府金賊擺拽前去青谿嶺
路作過本司差發同統制姚仲向起樊彥鄭師正統率
軍馬應援郭浩其賊兵却來鳳翔府六月二十二日將
官邵仲孚等帶領馬軍絕早至鳳翔府西關城外踏翻

賊寨殺死金賊不知其數賊兵於本府東門北門擺拽盡數出城賊首撒離喝及左監門等親擁賊衆直至百通坊排拽擊陣勢二十餘里更番與官軍接戰姚仲等告戒諸軍殺賊兵敗不得斫級爭奪鞍馬自辰至未歷戰數陣殺退賊衆追趕一十餘里掩入崖間甚衆十四日節制陝西諸路軍馬郭浩奏報金賊悉兵前去鳳翔府尋遣環慶總管鄭建充統領高英於十七日寅時攻打醴州戰鬪至辰時活捉金賊千戶三人內一名殺死又勒殺金賊先點見五百餘人奪衣甲器械生擒從兵奪到戰馬驢畜甚衆七月三日淮南西路宣撫使張俊年閏六月二十二日金賊會合南京等處分數路

前來直犯官軍并東京賊馬相繼前來策應俊躬親統
率軍馬分頭迎敵離城父縣西三十里遇賊交戰兩時
辰賊馬敗走連夜追襲掩入河甚衆收到衣甲旗槍二
十六日收復亳州了當撫定安帖續次有三路都統再
率兵自東京前來番賊至渦河北岸俊又統軍馬戮力
破敵除殺死外餘黨敗走 七日淮南東路宣撫使韓
世忠言中軍統制官王勝等探報蕃人萬戶鵠十字董
千戶聶兒字董花太尉馮觀察將帶軍馬解圍海州勝
於閏六月二十八日遣發王權王升將帶軍馬前去蔣
冢莊與賊見陣賊馬退去趕殺三十餘里活捉到女真
契丹一百餘人奪到戰馬三百餘匹衣甲器械旗槍將

海州懷仁縣撫定了當 十八日湖北京西路宣撫使
司言今月初八日有番賊酋四太子龍虎蓋天大王
韓將軍領親軍馬一萬五千餘騎取徑路離郿城縣北
二十餘里尋達背寇趕奕馬軍自申時後與賊鏖戰數
十合殺死賊兵滿野天色昏黑賊兵方退奪到馬二百
餘匹 八月一日川陝宣撫使司言權永興軍路經畧
安撫副使王俊收復永興軍管下興平武功縣醴州醴
泉縣長寧鎮統領官辛鎮七月九日領軍馬到長安西
南白塔寺與金賊交鋒追到長安城下其賊棄下器甲
旗鼓甚衆 十二日韓世忠言親率軍馬到淮陽軍探
得沂州滕陽軍劉冷莊三頭項番賊前來尋分遣統制

官解元等將帶軍馬迎敵八月四日早到地名譚城達見金衰馬軍二千餘騎解元等極力戰鬥其蕃賊敗而復合自早至巳賊方敗走追殺二十餘里殺死數百人奪到鞍馬一百五十餘匹器械數多及捉到知淮陽軍都統訖里七所差告急走馬天使二人 十六日韓世忠言今月八日探得蕃賊自滕陽軍路前來離淮陽軍西北九十里地名泃口鎮劉寨世忠躬親將帶軍馬前去初九日拂明到賊寨十里以來逢賊絆路馬下活捉十餘人問得滕陽軍金牌郎君青州總管三郎君沂州高太尉等會合馬軍七十餘騎前來淮陽軍解圍其蕃賊見世忠軍馬到一發回頭四散遁走世忠分頭追趕

三十餘里殺死數百人活捉到千戶

原缺

長等二十餘人

奪到鞍馬一百匹旗鼓軍器甚衆十九日韓世忠言

八月九日千秋湖陵有蕃賊五千餘人并鄜瓊下使臣

效用等二千餘人水陸創立硬寨擺布戰船劉寶等申

時分頭攻打至二更以來打破賊寨活捉到千戶郎君

郭太尉一名毛毛可四人契丹漢兒一百三十餘人外

奪到大小樓子戰船二百餘隻蕃馬五十三匹二十

三日川陝宣撫使司言七月三十日未時有金賊小大

王係金賊鎮國上將軍左軍都統利涉軍路萬戶李堇

鶻眼郎君引軍馬步入五千餘衆來盤屋縣東侵犯東

洛谷王俊親率軍馬迎接文戰及兩時辰破陣殺死女

真契丹漢兒射死戰馬縱橫甚衆并奪下器甲旗鼓鞍
馬追殺二十餘里 九月十七日川陝宣撫使司言都
統制楊政探金賊於郿縣界作過差統領劉興前去措
置八月十四日一更直抵郿縣城下分遣將兵攻破郿
縣掩殺賊兵盡走窟穴奪到牛驢馬磧寨金賊前來救
援遣兵遏伏軍馬邀擊敗走追過清河北其賊會諸寨
甲軍三千餘人有統軍一名千戶數人與官軍血戰自
二更將賊兵戰馬殺死無數 十一日三京等路招撫
處置使劉光世言統領官王順賈晞等帶所部軍馬及
會合山寨鄉兵前去宿州解圍至今月十日辰時到符
離縣界地名周村濉河兩岸逢金賊馬步軍二千餘人

迎敵順等率軍馬與賊血戰移時殺死金賊三百餘人
掩入灘河活捉金賊二十三人及奪到戰馬 十月一
日知陝州兼節制陝西諸路軍馬統制吳玠言遣統制
官侯信統押忠義水軍并諸項官兵前去河南經營賊
寨八月七日過河於中條山劉寨探得山北柏梯谷口
有金賊大寨正當河解兩州要路初八日夜劫破上件
賊寨殺死蕃賊二百餘人捉到女真漢軍二百餘人奪
到鞍馬二十餘匹至天明探得有解州同知女真親作
天使會起河解兩州及諸處蕃賊共約七千餘人騎於
初十日早擺拽三頭項前來信率本部官兵向前迎敵
血戰數十合當陣殺死千戶一名毛毛罕頭領數人其

賊退走活捉到五百餘人戰馬五十餘匹器甲七百餘副弓箭旗槍甚衆 同日川陝宣撫使司言都統制楊政九月六日遣從儀前去鳳翔府措置金賊約三千餘人於鳳翔府城南蒲陂河劉寨從儀統率諸將軍馬二更到彼血戰一十餘陣殺敗賊兵乘勢剽蕩賊三寨樓櫓鹿角放火焚燒奪到戰馬五百餘匹衣甲器械至五更以來有賊生兵復來交戰至天明將賊殺敗追趕一十餘里 十一月二十七日吳琦言有金賊於河北會到人馬尋差撥正將李政等前去掩殺十月二十九日午時有烏魯不字董等一千餘人前來政等放賊頭過舉號鼓率四下伏兵併起來攻使賊首尾不救掩殺攔

落崖澗 續有賊首寧虎烈字董等賊軍二千餘人救
應交戰至酉時其賊退走殺死女貞千戶并毛毛罕頭
領奪到戰馬器甲甚衆 十一年二月十四日淮西宣
撫司言蕃賊在巢縣令統制官閔師古李橫進兵掩殺
初九日夜將官潘儀等將帶官兵連夜渡河埋伏邀截
閔師古李橫初十日早掩殺其賊竭寨迎敵戰鬥移時
官兵四發擁掩賊兵入河甚衆生擒賊兵戰馬數多復
奪巢縣 十六日淮西宣撫使張俊淮北宣撫副使楊
沂中言自今月十四日進發軍馬前去含山縣閔口直
搗金賊大寨掩殺賊兵俊等相繼躬統軍馬前去自未
時與賊血戰一時辰其賊敗走奪戰馬器甲旗幟等收

復含山縣復奪昭關燒毀關東西賊了寨當官軍已占
關北一帶下寨 十八日張俊楊沂中言金賊分兵侵
犯滁濠州遂發軍馬前去將官戚方等今月十四日到
青陽鎮遇金賊馬軍與戰轉戰兩時辰除殺死賊兵外
生擒金賊并戰馬奪被虜老小牛畜數多 同日張俊
楊沂中言統制官王德等今月十四日收復含山縣復
奪昭關下寨十五日早有金賊重兵約厚十餘里馬軍
侵犯關口德等賈率軍衆人人用命共力破敵戰鬥數
陣其賊敗走追殺十五餘里 十九日三京等路招撫
使劉光世言前軍都統制李顯忠吳錫過江掩殺金賊
帶領軍馬前到九城鎮約有金賊五千餘人下寨分遣

軍馬掩殺今月十五日將官張松等與賊兵戰鬥約一時辰其賊敗走追趕一十餘里殺死賊兵三百餘人捉到活人五十六人內一名係千戶五人係毛毛可一人係百人長奪到器械旗幟戰馬不少被虜人一千餘口牛畜二百餘頭保護南來放令逐便識認牛畜了當二十三日張俊楊沂中言今月十八日楊沂中王德四師中等追趕賊馬至柘皋又逢五太子生兵及自廬州前來兀术賊馬見陣自己時戰鬥至未時凡經十餘陣其賊敗走殺死賊兵橫屍二十餘里追襲至二更以來趕殺出廬州收復廬州三月十三日韓世忠言今月七日濠州探報兀术賊馬欲來攻取本州即時選練馬

軍於當夜二更以來躬親將帶前去迎敵至五更到地名聞賢驛與兀朮賊軍相遇追殺三十餘里除殺蕃賊約一千餘人外生擒到女真吵環等一十二人并奪到鞍馬軍器一千餘件賊馬直過淮北一發奔潰占據濠州了當 十六日商州言正月二十八日至二月初四日有金賊折合字董部領七千餘人騎撒离喝親兵破敵軍馬女真契丹共萬餘人騎占據州城至初五日早知州邵隆統率兵將等於城下極力與賊戰殺敗賊衆其折合字董盡領蕃賊奔走掩殺追襲出界當日收復商州 十七日淮東宣撫司言今月十二日早兀朮親領軍馬步軍前來衝撞官軍世忠遣發舟船水陸轉戰

自早至申殺退射死兀朮所領萬戶千戶以下及當陣落馬身亡幾二萬餘衆 三十一年六月二日知金州武鉅奏報嵩州賊馬重大分遣官兵前去捍禦離嵩州五里與賊相拒鉅自盧氏縣統率親兵前來嵩州至五月十二日盡力死戰約兩時辰其賊敗走臨陣殺死總管宣武將軍萬戶忽沙虎權總管千戶德麼孛董三百千戶兩名女真五百餘人旗頭一十餘人奪到衣甲器械莫知其數領兵入城撫定軍民了當 十月十三日四川宣撫使吳璘奏報遣統領官劉海等親擁所帶將兵收復秦州賊兵迎敵掩殺賊衆退走入城今月二十五日打破秦州除撫存軍民外捉到金人等斫到首級

奪到戰馬器甲莫知其數 十七日京畿淮北京東路
河北東路招討使劉錡奏報遣統制官王剛等十月十
三日於清河口與金賊廝戰殺死不計數目又親率軍
馬於當日在淮陰縣十八里河口遣統制官樂超等駕
船過淮用剋敵弓等射殺金賊不計數目大賊向北前
去詔令學士院降詔獎諭仍令劉錡開具實立功人等
第保^明聞奏 十八日浙西副總管李寶奏報十月五
日六日以來海州魏勝捍城北二十里地名新橋有金
賊不住前來躬親帶領官兵前去迎見賊馬約及七八
萬人騎用車載鵝載雲梯等前來遂率官兵乘其半渡
衝擊掩截勦殺血戰至申時以來凡經三載殺死金賊

人馬又掩入新橋河上下流邀截勦殺斫到首級二百
餘顆及奪到衣甲弓箭旗鼓蕃槍軍器青涼繖五明銀
果文椅等二十日四川宣撫使吳璘奏報遣將官曹淋
等九月二十七日收復洮州及管下冷丁堡通岷堡招
撫到洮州同知昭武大將軍與屯蟬只一行官兵并老
小撫定軍民依舊安業及將官彭清張德九月三十日
及打破隴州與賊兵掩戰殺死賊兵捉到活人奪到鞍
馬有知州盧奉國同知劉昭武走上涼樓招撫不下用
火燒毀及將本州糧草場所椿糧草百餘萬盡行燒毀
二十四日知均州武鉅奏報金賊於鄂州管下內鄉
順陽浙川穰縣等人戶納到草桿七十萬并積順陽界

遣發前去本州巡檢趙伯适將帶人兵前去撫定順陽
縣即時將草盡行於火焚燒盡絕南北堆垛約十五里
共計六十三萬五千束又遣發總轄鄉兵荀琛等將帶
人兵前去收復鄧州 十一月一日劉錡奏報金賊數
萬係高萬戶統率犯揚州界地名阜角林衝突瓜洲渡
口親率軍馬迎敵先遣左軍統領賁琦至揚子橋灣與
金賊大戰賁琦陷在重圍下馬死戰二十餘陣首先破
敵掩殺金賊入運河及湖內約三千餘人金賊又添生
兵勢力加重又遣逝變中軍併力破賊錡鼓率諸將誓
以死戰自卯時至申時殺敗金賊橫長二十里活捉到
蕃人并奪到蕃馬弓刀旗槍器甲及所到首級甚衆詔

劉錡令學士院再降詔獎諭差中使前去賜金合茶藥
一就傳宣撫問仍令錡開具實立功人等第保明聞奏
六日京西路河北西路招討使成閔奏報金賊人馬
侵犯蔣州遣信陽軍屯駐親制官趙樽張彥遠會合戚
方都統軍馬追襲掩殺到齊昌渡探得淮北真陽縣亦
有賊兵遣忠義軍將官袁清丁俊等先次殺敗真陽縣
賊馬撫定真陽縣 十一日知樞密院事督視江淮荆
襄軍馬葉義問奏十一月八日虜首親統重兵侵犯采
石欲直奪渡口參謀虞允文專一監督官軍水陸進戰
大敗賊兵掩殺無數焚盡賊船致虜首領兵逃竄取真
陽路去允文自采石回稱說虜首因初八日水戰大敗

次日官軍復進將賊船數百隻並已焚蕩虜主即時率賊軍以次引去同日知均州武鉅奏報遣同統領趙伯适將帶鄉兵十月二十五日於鄧州順陽縣東與金賊見陣其賊大敗 十二日陝西河東路招討使吳璘奏報中軍統制節制軍馬吳挺十二月十二日金賊軍馬與官軍對壘直殺敗賊衆乘勢追趕掩殺崖澗當陣殺死李千戶斫到首級及生擒到金人三百人百人長三人捉到金賊活人所到首級奪到鞍馬器甲甚衆 十二日建康府駐劄御前諸軍都統制李顯忠奏報金賊見在廬州一帶創立硬寨遣馮晟將帶軍馬并招集出戰人兵及差統領官張謹等即押軍馬策應躬親將帶

軍馬牽制接援於十一月五日直抵賊巢到廬州西十八里地名蜀山達見賊大隊人馬賈率官兵布列陣勢自己時與賊血戰至酉時已未殺賊敗走除當陣殺死外活捉到蕃賊鞍馬 十四日浙西李總管下沿海提督提轄一行事務曾洋奏報七月二十七日於密州膠西縣界陳家島與金賊見陣燒奪戰船六百餘隻殺元蕃賊活捉到女真頭首三百餘人降到大漢軍三千餘人海道肅清 詔李寶生擒至三百人可今用海舟載頭首來揚杭處交割押來樞密院降到大漢軍令優與犒賞便支錢糧如無錢令揚杭不以是何名色錢應付

十七日武鉅奏報十月二十八日收復虢州盧氏縣

二十六日武鉅奏報遣統領鄉義軍馬荀珠於今月十三日夜攻下鄧州外城活捉到穰縣尉奉信校尉劉稽等并奪到騾馬器甲攻擊內城女真棄城逃遁 二十七日荆南駐劄御前諸軍都統制李道等奏報遣鄧州副統制李勝等於十一月十六日於光化軍對岸蕃賊乘船筏并沿岸分布馬步軍十五餘里不見厚薄勝等統率會合諸軍將佐官兵等沿江與蕃賊水陸見陣用命向前涉水死戰殺死蕃賊落水淹沒并奪到衣甲器械旗幟舟船軍須等物及殺死真定府總管杜萬戶并字千戶 二十八日江州駐劄御前諸軍統制戚方奏報右軍統制官李貴統領官張晟於十一月初四日部

領軍馬於潁河內將金賊諸路發到糧船六百餘隻糧米五十餘萬碩燒毀了當及奪到銀八百錠計二萬兩絹一萬餘匹殺死防綱女真契丹數百人及捉到押綱官盧萬戶等并防綱簽軍四千餘人奪到驢騾駝羊馬又生擒到泰和知縣夾谷阿海并妻男及親族等十二月十三日王彥奏報遣發統制任天錫等十一月十八日收陝州了當捉到知州同知等并活人十四日京東西路河北東路淮北泗宿州招討使成閔奏報今月十一日遣統制官王選等收復高郵軍了當統押軍馬并會合到水寨統領嚴寧并忠義人兵前去追殺金賊於十二月八日到寶應縣至楚州以來趕上金賊

向前掩殺賊兵敗走擁入河湖活捉到蕃人蕃馬斫到
首級并奪到糧船二百五十餘隻倉粟米數萬碩衣甲
器械及燒毀糧戰船七百餘隻收復寶應縣并楚州了
當 十八日成閔奏報陳州忠義人陳亨祖於十一
月初五日將帶忠義人兵收復陳州了當捉到同知元顏
耶魯等九人 同日京西北路招討使吳拱等奏報遣
發將官劉華等十二月初一日到鄧州新野鎮地名龍
鼻叔中蕃賊寨柵殺死蕃賊棄頭不斫其賊拔寨退走
入鄧州至十二月初六日蕃賊棄城逃遁收復鄧州了
當 二十日成閔奏報統率軍馬於十二月十二日收
復盱眙軍了當其泗州淮河岸下擺泊舟船數十隻金

賊數萬人隔河與官軍相拒。閔遂將奪到金賊燒不盡橋脚小船二十餘隻。併工修整。及於龜山以來奪到賊船十餘隻。并分遣統制官吳起、楊欽部押人船於水路邀擊賊船。又差統制官劉銳、陳敏、王公述、張師顏於十二月十五日夜於泗州東城之東潛師渡淮。有賊騎數千於東城之東擺列前來與官軍相拒。又分遣統領官左淵、張青、魏金部押官軍攻奪泗州南門入城。占據再率官軍戮力掩殺賊兵。敗走收復泗州。了當奪到粟米三萬餘石。被虜老小數萬口。於放令渡淮歸業。二十一日李顯忠奏報。十二月十六日收復和州。金賊拔寨北遁。躬親統率諸軍追襲離和州三十里橫山澗。與金

按三十二年有
閏二月此三
年當是三
年之誤

賊見陣獲捷其賊取香林湯泉路前去尋再造統制官
張榮統率前軍前去追襲至今月十九日未時至全椒
縣界地名馬村後河楚湄溝趕上與賊鬥敵殺死蕃賊
并擁掩入河收捉到被虜鄉民老少數千餘人即時撫
恤各令逐便歸業奪到騾馬軍器等三十一一年閏二
月二日吳璘奏報遣差前軍同統領忠逢會合權知洮
州李進同知趙阿令各將帶軍馬正月三十日於寧河
寨與熙州差來應援金賊首領小郎君等軍馬及會合
到河州積石軍軍馬鬥敵殺敗賊衆至三月三日收復
河州了當至初六日分遣軍馬前去收復積石軍及管
下來羌城了當并獲到金賊同知宣均宣武將軍高偉

二十五日李寶奏報閏二月十三日海州城北有金賊青州總管會合十三州人馬一十餘萬衆直犯海州親率官兵自辰時鏖戰至二更蕃賊大敗殺死女真渤海契丹漢兒簽軍等及掩殺在河三月十一日吳璘奏報閏二月十六日夜將帶軍馬攻打大散關尋分委右軍等一正將楊大亨統領李安等攻打五鬼山賊寨及後軍同統制田昇與統領胡洪趙豐陳濤第六將馮超部領軍馬攻打散關正門水門御愛山賊寨自二更一擁上山併力攻擊與賊戰鬥至當夜四更以來打破散關占據了當繼續分遣官兵占奪和尚原其賊知覺棄掉本原遁走前去寶雞其和尚原亦行占據了當

四月四日吳璘奏報金賊元帥左都監及都統軍付統
軍帶領萬戶五人統金賊五萬餘衆璘親統官軍三萬
餘人於三月十七日至順德軍城下與金賊大戰殺敗
賊兵其賊尚占據城池及於東山一帶修置硬寨相去
三里以來與官軍對壘璘遣兵調引賊兵堅守不出遂
差將兵晝夜驚擾其賊困窮至十二日夜並行遁走已
差官兵追殺過六盤山收復德順軍約束官兵秋毫無
犯撫定軍民安業 四月九日吳璘奏報忠義統領嚴
忠帶領本將軍馬前去原州追襲金賊收環州了當捉
到知州中憲大夫郭商并管下城寨金賊一十餘員奪
到鞍馬旗幟及帶到環州管下馬步軍四百餘人并一

行官吏等又統領忠義軍馬段彥捉到原州同知鎮國
上將軍統石烈訛魯古等官四員并女真家小三十餘
口 六月十七日陝西河東路招討使吳璘言五月二
十三日收復熙州 七月十三日淮南西路安撫司言
已遣發沿邊都巡檢使顯忠率官兵并募到敢勇人前
去沿淮等處掩殺金人又追水寨孫立等於潁河內燒
毀糧船二百餘隻 二十五日陝西河東路招討使吳
璘言是月三日收復鞏州 二十八日主管殿前司公
事成聞言已遣中軍統制趙樽遊奕軍統制張彥達統
領皇甫侗前等去迎捍金賊收復光州 八月二十一
日荆南駐劄御前諸軍都統制李道言遣發統制官

張進董江於光化軍對岸茨湖出戰各捐軀戮力身先
士卒以劉致劉萼全軍不能侵犯 十月九日御前諸
軍都統制張子蓋奏統率軍馬於五月十四日到石碛
堰先次衝虜毀陣掩殺十五日海州西北三里堰沙河
及新橋見陣解圍海州 十一月七日知樞密院行府
奏報遣將十一月二十八日在和州東王家孔與蕃人
見陣降到近侍局虜酋護背軍千戶定遠將軍統石烈
胡刺以下三千三百人殺死三百戶奪到戰馬器甲又
於廬州大路奪到金牌天使所齎告急蕃部族背叛虜
酋及盜賊群起等文字 同日江州駐劄御前諸軍都
統制戚方奏報遣統制官李貴等於今月二十六日早

奪壽春府門入城與金賊血戰殺死賊兵其賊敗走收
復壽春府了當及撫定人民并於壽春府城下淮河內
燒毀糧船一千餘隻 九日金房開達州駐劄御前諸
軍都統制王彥奏報統制官郭諶將軍邢進等於十一
月十七日華州城下率先賈勇士卒自寅攻打至巳時
打破華州捉到本州同知昭武大將軍韓端愿將官信
武將軍韓銘并金賊到括二十二入并奪到鞍馬器甲
等已即時將本州居民撫定了當以上中興會要 孝
宗隆興元年四月十九日通泰海州沿海制置使李寶
奏昨將帶海船到海州膠西縣唐島逢見金賊船六百
餘隻乘載女真渤海大漢軍水手等七萬餘人遂分布

主首往來掩殺焚毀賊船大獲勝捷 五月十日節制
淮東屯駐軍馬邵宏淵言奉指揮將帶軍馬措置招接
攻取虹縣於五月九日五更激勵諸軍與南城蕃賊鬥
敵其賊勢力不加奪路盡入北城閉門堅守緣北城盡
是埽壁城濠闊遠置積汴水堅固圍遠未易攻打宏淵
扎縛雲梯安立砲座繫格橋道召募敢死登城之人初
一日絕早下手攻城其賊自知決不可保遂投拜計招
降到蒲察徒穆大周仁并千戶趙受李公輔以下正軍
家人奴婢老小一萬餘人收到糧米一萬五千餘碩衣
甲四千餘付并弓箭箭鏐等鞍馬騾驢四千餘頭匹
十四日淮西路招撫使御前諸軍都統制李顯忠言依

聖旨親率軍馬前去招納偽都統蕭琦於五月初六日到靈壁南達見蕭琦統馬軍三千五百餘騎拒抗官軍差都總管時俊等與賊文戰蕭琦敗走初七日直抵靈壁賊一萬五千餘騎於城南布陣顯忠布分軍馬與賊鏖戰自辰至未賊兵大敗殺降到蕃賊二千六百餘人收復縣城所有奪到糧草鞍馬衣甲器械未知數目十九日淮南西路招撫使李顯忠申依奉聖旨統率軍馬過淮招納蕭琦琦自五月初七日敗後部領餘黨於宿州城外下寨顯忠尋遣人招納琦遂以十三日將帶家屬奴婢親信赤山千戶馬尾上千戶石盤千戶蕃軍等前來投降已接納收管隨軍帶行前往宿州措置攻

取 二十一日淮西招撫使李顯忠御前諸軍都統制
邵宏淵申統率馬步軍於五月十四日到宿州城下探
得蕃賊馬軍二萬餘騎步軍一萬餘人於城西南十里
許先潛地利布列陣勢顯忠等與賊接戰轉鬥十餘里
往返分合塵戰數十自辰至申賊兵敗走追逐二十餘
里橫屍遍野堆積如阜餘黨遂遁 二十二日李顯忠
申今月十四日於宿州西南殺退蕃酋左右監軍賊遂
至城下尋投降奚軍諭以天時人事逆順之意其偽知
州女真輔國統二萬餘衆堅壁拒抗不降顯忠等於十
六日早遣馬軍四邊伺連蕃賊接戰於是分列軍馬東
南北一帶顯忠統率西南北一帶邵宏淵統率四圍擺

布真賊矢石如雨顯忠等召重賞召募先登士卒用命
遂涉淶水直抵城下不施攻城器具踴躍而上東北首
先登城搖旗賈衆與賊短刃相接續次西北甲軍登城
次復四圍諸軍相應各於女口夾間交戰移時賊兵退
走下城諸軍官兵與賊塵戰殺戮殆盡及殺降到女真
契丹渤海諸軍等三千餘人拘收到糧斛五萬餘碩
二十六日淮南京畿京東河北路招討使李顯忠申於
今月十六日收復宿州了當屯兵城下措置進取探得
歸德府偽元帥會合諸處蕃賊軍馬欲來復取宿州顯
忠預於宿州城外布列陣勢以待賊軍今月二十日辰
時偽元帥領五萬餘衆並係馬軍衝突官軍箭鏖如雨

東西陣脚二十餘里顯忠勸勵將士極力鬥敵馬步軍
既擁而上轉戰迴旋百餘合申時後賊兵敗北追十餘
里殺死不知其數 二年十一月二十三日主管步軍
司公事郭振言有蕃賊大隊人馬侵犯六合城下振遣
發軍馬出城迎敵殺死蕃軍追走一十餘里至午時其
賊人馬再來衝突振遣差本司後軍統制崔皋統率大
軍人馬首先破敵其賊敗走大獲勝捷 二十九日主
管馬軍司公事張守忠言近遣本司統制張師顏將帶
本軍人馬前去措置蕃賊張師顏遣將官陳志部押官
兵前往廬州設伏邀劫蕃賊於十一月二十四日夜乘
賊不備直入廬州劫中賊寨乘勢掩殺其賊潰亂棄城

遁走除已僭據本州外委是獲捷 閏十一月二日都
督江淮軍馬和義郡王楊存中奏據主管侍衛步軍司
公事郭振申蕃賊大隊人馬侵犯六合縣城下有後軍
統制官崔皋率先引衆破敵大獲勝捷 四日江州駐
劄御前諸軍都統制戚方言近探得西路蕃賊要取羅
田路六安軍西界取蘄州東舒州西占據二州侵犯二
回方遣發統領官段安等部領軍馬前去沿淮措置掩
殺及燒毀淮河北潁河內糧船一千餘隻段安等十一
月二十七日到淮河南岸東正陽迎見呆和尚賊馬安
等分遣軍馬掩殺其賊踏淺過淮於河中流復回與官
軍當河死戰遂擁殺入河不知其數奪到蕃馬弓箭槍

刀等并被虜老小一萬餘人并牛畜等所有敗殘賊
兵向北遁走委是獲捷 五日淮東招撫使節制本路
軍馬劉寶言今月初一日據差去神勁右軍將官李德
等將帶軍馬前去天長縣以來逢見蕃賊馬軍一彪接
戰移時其蕃軍散走追逐一十餘里殺死女真李千戶
蕃賊五十餘人奪到蕃鞍馬五匹其賊並各下湖奔走
前去 八日戚方言據差去將官劉萬中將帶官兵到
淮河南岸光州固始界離北峽関五百餘里有金賊三
省相公下呆和尚所管細軍一千餘人騎下寨萬賈率
官兵於閏十一月初一日夜二更乘其不意突入賊寨
殺死三百餘人奪到蕃馬二十匹外有殺不盡賊衆走

竄取高塘路前去奪下被虜老小五千餘人牛畜等大
獲勝捷 十日劉寶言探得蕃賊侵犯高郵界西北三
十五里地名沛城下寨尋遣陳敏下將官潘明曾喜將
帶人船前去設伏攻劫於閏十一月五日逢見蕃賊五
百餘騎潘明等賁勇拏手一發攢箭射死蕃軍一百餘
人外生擒到白撒宣武將軍一名蕃賊為見捉到千戶
向前追奪遂行斫到首級并奪到被虜老小一千餘口
牛畜三百餘頭 十三日荆南將軍統制權知軍州李
思齊言近據洪水村把隘人唐璋等狀有鄧州浙川縣
界賊首程青等部領北軍前來侵犯本州思齊遣統
領官帶領鄉社人兵等到浙川縣界與賊戰鬥賊兵敗

走當陣獲賊首及本縣知縣主簿縣尉巡檢奪到鞍馬
及招鄉民約三千餘口收復浙川縣撫定訖 十五日
主管馬軍司公事張守言臣奉江都淮督府指揮蕃賊
在定山後下寨令統率軍馬於定山一帶創立硬寨張
耀兵勢勦殺蕃賊其賊遁走五十餘里於閏十一月十
三日遣本司統制官秦佑等隨蹤追襲前去過滁河二
十里外下寨與蕃賊對壘續令本司選鋒軍統制李舜
舉遣差隊將傅青管押逐軍官兵八十人取間路前去
滁州以來打探青等潛伏探伺賊寨內虛實良久驢馬
嘶喊青實率所部官兵弓箭齊發併入賊寨攻劫殺死
蕃賊五百餘人其賊大亂自相殺併青遂舉號帶領官

兵即時出離賊寨委是獲捷 同日劉寶言遣發山水
寨統制郭昇部押忠義并民兵共千餘人乘駕舟船三
百餘隻於閏十一月初三日夜過淮深入賊境直入連
水軍城與金賊生甲人兵血戰殺死賊軍三百餘人殘
賊遁走獲到女真知縣巡檢知海州萬戶男和尚郎君
并撤八郎君蕃軍二名黨軍三名并奪到金賊裝載軍
器糧綱舟船五十餘隻緣淮河水凍撐駕不行遂焚燒
訖大獲勝捷 乾道元年二月十六日陝西河東路宣
撫招討使司奏據都統任天錫申探報得金人甲兵
前來直犯盧氏縣白石谷天錫分遣統領張延等與金
人文戰捉到女真活人驪馬等委是獲捷